



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 31. Aliæ absolutiones.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

§. XXXI.

Sæcul. XIII.
A. C. 1286.*Aliaæ absolutiones.*

Papa Honorius indulgit etiam Henrico Castiliæ Principi Regis Ferdinandi filio, & patruo Regis Sanctii tunc regnantis. Henricus Conradini partes secutus ob perpetratas Romæ, cum ejus Senator anno 1268 esset, multas violentias, a Papa Clemente IV proscriptus fuerat. Modo mutata rerum facie, cum spiritus feroces egestas & ærumna contunderent, poenitentiam suorum criminum significans Papæ Honorii misericordiam implorabat. Qui 8 Martii an. 1286 Gerardo Parmensi suo in Apulia Legato scripsit, ut illum absolveret ea lege, ut bona direpta vel perperam usurpata restitueret; aut, si per inopiam tum non posset, juratus promitteret id se facturum, cum primum ad meliorem fortunam pervenisset.

Papa Martinus IV Castellam censuris perculerat ob Sanctii seditionem contra Regem Alphonsum ipsius patrem: & ii, quibus mandata dederat, multos homines anathemate, multaque loca interdicto multaverant. Sed facta erat scenæ mutatio. Obierat Alphonfus: Sanctium omnes Castiliæ Regem agnoscebant. Itaque relaxandas ratus

has

n. 5.

Rayn. n. 23.

Sæcul. XIII. A. C. 1286. has censuras Honorius 7. Nov. 1286 Archiepiscopo Toletano, & Burgensi Episcopo scripsit, ut omnia interdicta hanc ob rem edita suspenderent; nec tamen Ecclesiasticos, quos horum neglectus ministeriis sacris ad tempus exclusos vel ad ea inhabiles reddidisset, abolerent; sed monerent, ut consulerent animabus suis.

Civili autem in bello Castiliæ Sugerus Gadium Episcopus contra Sanctum steterat, ut hujus Principis nepotes Alphonsum ac Ferdinandum ex Ferdinando ejus fratre natu majore & Blanca Gallica natos in libertatem assereret. Sed bonus hic Præsul perdita opera in Francia exulabat suo munere & cunctis privatus bonis. Exposuit Papæ Honorio suum statum: & Rex Philippus Pulcher cum amita sua Castellæ Principum matre preces illius fulciebat. Tum Papa Cardinalem Choletum suum in Francia Legatum jussit Episcopi hujus instantationi consulere quædam regni cœnobicia adstringendo ad solvendam ei per triennium pecuniæ summam, qua cum idoneo domesticorum numero aleretur. En exemplum pensionis rogatu Regis a Papa cœnobiis imperatæ. Litteras ad Legatum dabat 18. Novembris.